

Ang Sinuportahang Programa sa Pagdebelop ng Bata o Supported Child Development Program (SCDP) Child Development ay sumusuporta sa mga bata upang ganap na makasali sa mga programang pangangalaga sa mga bata sa pook ng magkakapitbahayan.

Ang mga programang pangangalaga ng bata ay kabilang ang mga lisensiyadong preschool, group daycare, family child care at school age care.



## Paano makikipag-ugnayan sa Supported Child Development Program

Kontakin ang Supported Child Development Program sa inyong komunidad sa:

# bawa't bata ay kasali



Ang SCDP ay nagseserbisyo sa mga bata mula sa kapanganakan hanggang labindalawang taong gulang, na may pagkabalang sa pagdebelop o kakawalang-kakayahan at nangangailangan ng dagdag na suporta.

Ang pagkabalang sa pagdebelop o "developmental delay" o kaya ay kawalang kakayahan o "disability" ay maaaring maka-apekto sa pagdebelop o paglinang ng pisikal, pang-isip, pangkomunikasyon o pangsosyal, emosyunal na pag-uugali.

Ang mga programa ay matatagpuan sa mga komunidad sa kabuuang dako ng British Columbia.

**Para sa karagdagang impormasyon tungkol sa SCDP kontakin ang:**

Office of the Provincial Advisor  
Supported Child Development Program

237 Third Street

Courtenay, BC V9N 1E1

1-866-338-4881

[www.scdp.bc.ca](http://www.scdp.bc.ca)

**Sinuportahang Programa sa Pagdebelop o Paglinang ng Bata**

**Supported Child Development Program**

[www.scdp.bc.ca](http://www.scdp.bc.ca)



Kung kayo ay nababahala sa pagdeblop o paglinang ng inyong anak, ang **Sinuportahang Programa sa Pagdeblop o Paglinang ng Bata (Supported Child Development Program)** ay makatutulong.



#### Mga Panuntunang Gabay

- Pagsasali – ang lahat ng mga bata ay sinusuportahan upang ganap na makasali sa mga programang pangangalaga sa mga bata sa magkakapit-bahayan
- Nakasentro sa pamilya – nangangahulugan ito na kayo, ang magulang, ang pumipili kung anong klaseng suporta ang nais ninyo
- Indibidwal naPagpapalano – ang natatanging kalakasan at pangangailangan ng bawat bata ay kinikilala at sinusuportahan
- Pagdeblop o paglinang ng bata – ang mga bata na may pangangailangan sa pagdeblop ay maaaring gamitin ang maagang interbensiyon at mga naaangkop na mga suporta sa pagdeblop
- Naka-base sa komunidad – mga programa ay sumasalamain sa mga lokal na pangangailangan at mga prioridad
- Respeto para sa pagkakaiba-iba ng mga kultura
- Suporta para sa pagpapatatag ng kakayahan sa mga komunidad ng mga Katutubo (Aboriginal)

#### Mga Serbisyong makukuha

- Tinutulongan ang mga pamilya na makahanap ng mga programa sa pangangalaga ng bata na pinakamahusay na makatutugon sa pangangailangan ng bata at pamilya
- Nagtatrabaho bilang isang pangkat o team upang matukoy ang mga layuning pangdeblop at makapagpasiya ng mga istratehiya upang masuportahan ang pag-unlad tungo sa mga layunin
- Dagdag na tauhan kapag kinakailangan – patuloy na suporta at konsultasyon upang maisulong ang kapaligiran na humihimok ng pagsali
- Pagsasangguni o “referrals” sa mga propesyunal tulad ng Speech Language Pathologists, Occupational Therapists, Physical Therapists.
- Laybrari ng pahiraman – mga laruan, kagamitan, aklat, video at mga mapagkukunan o “resources”
- Koordinasyon ng serbisyo
- Pagsasanay at suporta sa mga magulang at mga nagkakaloob ng pangangalaga sa mga bata

#### Pagsali o Partisipasyon

Ang pagsali o partisipasyon ay kusang-loob o boluntaryo at ang mga serbisyo ng SCDP ay walang bayad.

Ang mga magulang ang nananagot sa bayad sa pag-aalaga ng bata. Ang mga pamilyang may mabababa o nasa kalagitnaang kita (middle income) ay maaaring mag-apply para sa tulong o “subsidy” sa pangangalaga ng bata upang makatulong sa bayad sa pag-aalaga ng bata.

#### Pagsasangguni o “referrals”

Ang mga magulang ay maaaring makipag-ugnayan ng deretso sa SCDP o maaaring isangguni ng mga propesyunal sa komunidad kabilang ang mga:

- Nagkakaloob ng Pambatang Pangangalaga
- Mga Konsultant sa Pagdeblop ng mga Sanggol
- Mga Therapist
- Mga Nars para sa Pangmadlang Kalusugan o Public Health Nurses
- Mga Doktor
- Mga Social Worker